



看泥面

該日臨暗仔，阿和伯擎等一枝估杖仔，定定仔在厝屋下面前，行到吾這片析來，短短个一截路，手術過後个佢當像行地異久。佢一看著佢在菜園肚無閒，開嘴就講：「看人面，毋當看泥面哦！」八十零歲个阿和伯，無想著佢一開嘴就同佢講這句話，一時間佢毋知麼个意思，也毋知愛仰般摻佢應話，就緊應講：「係哦！係哦……」

恁起自家在屋脣種地恁多年个菜，想著阿和伯个這句話，感受當深，乜試著當有道理！十四年前个十月，佢正般來這位戴，隔壁个阿樂伯知佢想愛種菜，就讓出一角仔地，分佢好種菜。佢在南庄个五金行買地一支衝新个鑊頭，摻該角仔菜地个野草一鑊頭、一鑊頭定定仔鑊忒，再用鑊頭改菜廂。隔壁个阿順叔，看著佢擎鑊頭个樣仔，就知佢無種過菜，喊佢愛摻泥改較深兜仔，同佢講地「深耕淺種」个道理。無兩坪闊个菜地，你絕對毋知佢改地兩三點鐘，乜毋知佢出過幾多擺汗水，搥到佢汗流脈落、歸身溘潦，恁到會死，正同這坵菜地改好！

改好个菜地，愛來種麼个正好呢？想去想轉，想毋著愛種麼个。你就知該央時，佢識个菜無幾多，也毋知該時節愛種麼个菜！還係看看啊隔壁伯姆、阿伯種麼个菜，正來決定好啦。青花菜、白花菜、蘿蔔仔、菠蘿菜、竹篙蕒、荷蘭豆……，當多該時節種个菜，就在阿伯、伯姆个菜園，展出靚靚个身影。當記得該時，阿和伯姆鼓勵佢講：「毋使驚種無食，係肯煞猛種、日日守顧，有種定著就會有好收成喔！」考慮著照顧个利便，毋使洩麼个藥仔、捉麼个蟲仔，懶尸人種懶尸菜，還係來點(diam)兜仔蘿蔔仔、種兜仔蕒仔就好！

自點下蘿蔔仔，種下蕒仔，佢日日上班就行到屋脣个菜園，看蘿蔔仁有暴芽、綻筍旨？看該兜種下去个蕒仔有較大較靚無？係菜泥忒燥就摻佢淋水淋溼來，係泥肉忒瘦就摻佢放兜仔十全有機肥料！若係看著有生四點根、銅錢草該兜惹惹杈杈个野草，就隨手摻佢綁忒！就恁樣，蘿蔔仔一日一日高，蕒仔一日一日靚……。無毋著，就係恁樣！對該央時開始，佢就漸漸仔感受著土地、地泥對人个痛惜，生命係在地泥生出來个啊！你係對佢好，佢就會對你還較好。

恁起自家十四年來，累積罔多仔種菜个經驗，感受著阿和伯講个該句「看人面，毋當看泥面」，實在當有道理。土地有情，草木有情，菜果有情，深刻在吾个心頭項，正經，有影有跡！

作者：邱一帆

☆詞彙學習☆

【衝新】cung xinˊ：全新、嶄新的。

【溘潦】dab lauˊ：溼透的樣子。

【恁】tiamˊ：勞累、疲憊。

【懶尸】lanˊ siiˊ：懶惰。懶，又音 nanˊ。

【點下】diam haˊ：將種子種下。

【四點根】xi diamˊ ginˊ：酢漿草。

【惹惹杈杈】ngia ngia ca ca：形容阻礙或干擾很多。

【無毋著】moˊ mˊ cog：正確無誤。

【痛惜】tung xiagˊ：疼惜、關愛。